

դնել հակառակ նկատւած քաղաքացիները վերաբերմամբ, թալանեցին սե-
տական գանձատուներ, պահեստները և մասնաւոր քաղաքացիները բնակա-
րանները: Յեղաշրջման օրը քաղաքից հեռացած իշխանութիւնը, օգնական
ուժեր ստանալով, մայիս 19-ին վերադարձեց քաղաքը, և ազատ արձակեց
բանտարկւածներին: Կուրի ժամանակ սպանեցին 2 խռովարարներ և վերա-
ւորեցին 3. կառավարական զօրքերից սպանեց 1 հոգի և վերաւորեց 2:
Բռնեց և պարագլուխ Սարուխանեանը, որը միւս ձերբակալւածների հետ
յանձնեց արտակարգ դատարանի:

Այսպիսով, երկու շաբաթւայ ընթացքում կառավարութիւնը ամբողջ
երկրում վերջ տւեց ապստամբական շարժման: Հայաստանից փախած բոլ-
շեիկները մեծ իրարանցում առաջ բերին Ազրբէջանում. դիմումներ արին
11րդ բանակին, հեռագիրներ քաշեցին Մոսկւա՝ ջանալով ամենքին հաւա-
տացնել, որ Հայաստանում կոմունիստների կոտորած է կատարւում և որ
արդէն սպանւած են հազարաւոր մարդիկ: Միաժամանակ, ազրբէջանեան
իշխանութեան օգնութեամբ Ղազախի շրջանում հաւաքեցին հայ ու մալա-
կան փախտականներից խմբեր և պատրաստւում էին յարձակելու Հայաս-
տանի վրա: Մայիս 21-ին, երբ ապստամբութիւնն արդէն ամէն տեղ
համարւում էր ընկճւած, յանկարծ, Ղազախի կողմից, կարմիր դրօշակնե-
րով, առաջ շարժւեցին բոլշեիկեան ուժեր և առանց կուրի մտան Իջևան:
Եկողներին միացան և որոշ քանակութեամբ տեղացիներ: Զօրքը չգիմադրեց:
Բոլշեիկները ձերբակալեցին ներքին գործոց նախարարի օգնական Սարգիս
Մանասեանին, զօրքերի հրամանատար զօր. Բաղդասարեանին, Իջևանի
դաւառի ինքնավարութեան նախագահ Ն. Զաղէթեանին, Մ. Սարատիկեանին
և ուրիշ պաշտօնեաներ ու սպաներ և աքսորեցին Բագու: Ապա անցան
Դիլիջան և առանց արգելքի հանդիպելու դրաւեցին քաղաքը: Սակայն,
չուտով օգնութեան հասան կառավարական զօրքեր ու կամաւորական խմբեր,
որոնք, գիւնւած ժողովրդի հետ միասին, յարձակեցին թշնամու վրա, որը
խուճապով դիմեց փախուստի՝ թողնելով սպանւած իր պարագլուխ Յա-
կորջանեանին: Այս առթիւ կուսակցութիւնները բաց թողին հետեւալ
հաւաքական կոչը.

«Հայաստանի քաղաքացիներ, Ալեքսանդրապոլի, Կարսի, Սարըղամի-
շի, Նոր-Բայազէտի խռովութիւններին հետեւեց Դիլիջանի գաւառը: Ներքին
ոճրագործ տարրերի պետական դաւաճանութեան յաջորդեց արտաքին նոյն-
օրինակ տարրերի անհանդուրժելի արշաւանքը դէպի մեր երկրի խորքերը:

Մեր հայրենիքի ներքին ու արտաքին թշնամիները միացած՝ դիւային
ծրագիրներ են որոճում Հայաստանի ազատութեան և անկախութեան դէմ:
Հայ ժողովուրդը, որի ինքնորոշւած կամքի մարմնացումն է կազմում իր
պետական անկախութիւնը, պիտի արթնան պահապանի նման փայփայի ու
պաշտպանի իր այնքան թանգ գնով նւաճած ազատութիւնն ու անկախու-
թիւնը:

Թո՛ղ հայ քաջարի բանակը սուրբ ուխտի երդումը տայ կազմ ու
պատրաստ դիմադրաւելու համար Հայաստանի անկախութիւնը բոլոր թըշ-